


ONDJILA MBALI



EHOGOLOLO LYOKIDJILA

Uuna tatu yi molweendo tu uka kehala hono inaatu ya ko nale, ohatu pula kutya ondjila yini tu na okuya nayo. Otatu ende nduno nomeho ga tonata, nongele twa mono kutya otu li mondjila ya puka, tatu galuka tu, shune tse tatu kongo ndjoka yimwe yomondjila.

Tse nangoye otatu ende esiku kehe muuyuni muka tu uka kuukwaaluhe, kethikilo ndyoka itaali ka hula nando noihaali vulu li lunduluke uuna tatu thiki mo. Owu shi po tuu mpono to yi?

EPUKULULIMBO LYETU

Kalunga, mohole nesilohenda lye, okwe tu pe Epukululimbo, Ombiimbeli, ndyoka tali tu ulukile ondjila ya yela yokuya kegulu. Lithwamo moshinyolwa shino oya kuthwa mEmbo ndika. "Oohapu dhoye odho onyeka yokoompadhi dhandje nuuyebele mondjila yandje." (Ps. 119:105).

ONDJILA OMBWALANGANDJI

Mondjila ndjino oikalekelwi omu na aantu oyendji. "Indeni mo, mu pitile mosheelo shoka sha patekidha, oshoka osheelo shoka oshinene nondjila

ndjoka ombwalangandji otayi fala mekano, noku na oyendji mboka taye yi lamba.” (Mat. 7:13). Omeho goyendji yomuyo oga thithikila. Kaye shi wo, nenge kaye na ko nasha kutya yo oye li mondjila yekano. “Ondjila dhimwe odhu ukilila momoho gaantu, nando ethikilo lyadho ondjila yeso.” (Omayele 14:12). “Oomboka inaa itaala, oshoka omadhiladhilo gawo oga pukithwa komuhindadhi, kalunga komuuyuni mbuka.” (2 Aakor. 4:4).

OMITENGE

Aantu mondjila ndjika otaa yi ya petama kohi yoondjo. “**Oshoka aantu ayehe oya yona**, kaye na oonkondo dhaKalunga dhoku ya hupitha.” (Aaroma 3:23). Tse katu vulu okuholeka nando oko okandjo kamwe akeke koshipala shaKalunga. **Omitenge odha mangelwa nomalyenge koombunda dhawo**. Ngoye nangame itatu vulu tu sindane musho okweetha koonkambadhala dhetu yene nando oyo yimwe ayike yomoondjo. Omutenge otagu dhigupala molweendo lwethimbo. “Oshoka eso olyo ondjambi yuulunde.” (Aaroma 6:23).

OLWAADHI

Olwaadhi mefano olwo olulilipó **epangulo** lyaKalunga. “Aantu ayehe oye na okusa lumwe aluke, e taku ya ihe **epangulo**.” (Aaheb. 9:27).

OMULILO

Molwasho Kalunga omuyapuki nomunamutumahenda, oku na okukala egeelo lyoondjo. Oohapu dhaKalunga otadhi tu hokololele kutya oku na oheli, ehala lyegeelo lyaaluhe lyaamboka itaa vulika kuKalunga. Ombiimbili otayi ti: “Aakaanakalunga otaa ka shuna moshashi, aapagani ayehe mboka taa dhimbwa Kalunga.” (Ps 9:17). Ngoye ito pumbwa u kale omwiinayi okuya hoka – osha kehe ngoka ta dhimbwa Kalunga. Ihe Kalunga oye wo Kalunga kohole “noina hala ku kale nando ogumwe ta geelwa, ihe okwa hala aantu ayehe ye ethe uulunde wawo.” (2 Petr. 3:9). Mesilohenda nomohole Ye onene, Ye okwa tula po ondjila yepupaleko yaayehe mboka ya hala shili ye yi taambe. **Ngoye owa hala u mone ondjila yomwenyo?**

ONDJILA LYOMWENYO – OMUMANGULULI

Molwashoka tse yene itatu vulu okwiimangulula koondjo dhetu, noshu wo kegeelo lyopauyuuki lyoondjo dhetu, **Kalunga okwa tula po omumangululi**. “Oshoka osho ngeyi Kalunga a kala e hole uuyuni, oye a gandja Omwana awike, opo shaangoka te mu itaale, kaa kane, ihe a kale e na omwenyo gwaaluhe.” (Joh. 3:16)., Kalunga, Tate gwomEgulu, okwa tumu Omwana gwe awike a zi megulu, Omuwa gwetu Jesus Kristus, e ye kombanda yevi; Oye okwa kala nomwenyo ngaashi omuntu, ihe ina tula ondjo nando. Mpoka Ye a yi, okwa longo po nawa: a aludha aavu, a yeleke aanuulepera, a tidha mo oompwidhuli, a gandja edhiminopo kaanandjo aaitedhululi nokwa longo aantu kombinga yaKalunga.

Ihe elalakano lye enene okukalamwenyo ngaashi omuntu, olya li okusa ngaashi eyambo lyetweni aluheni; okugandja omwenyo gwe gwopakalunga, omukeenandjo omagano, nokutilahi ombinzi ye yi na ondilo, okufuta ofuto yoondjo dhetu. Ye okwa pitika kutya aantu aakaanakalunga otaye mu kutha po, taye mu dhenge sigo ombunda Ye tayi siikilwa nomatito gombinzi,

oshishani shomakwega tashi tulwa komutse gwe, nolwahugunina, okumbambangela oompadhi dhe nomake ge noomboha komushigakano, hoko Ye e endjelele nuwehame. "Ngoka a humbata oondjo dhetu komapepe ge sigo okomushigakano." (1 Petr. 2:24). Ye okwa sile ngoye ngame.

EYUMUKOKUUSI IYE

Konima yomasiku gatatu mombila, Jesus Kristus okwa yumuka kuusi. Okwa popi naalongwa ye e ta yi, nokonima yomasiku omilongo ne okwa londo a yi megulu, nkoka a kootumba kolulyo lwaKalunga, Omumangululi omunamwenyo, e na "oonkondo adhihe... megulu nokombanda yeve." (Mat. 28:18). "Onkee ota vulu aluhe okuhupitha mboka taye ya kuKalunga taa pitile muye. Oshoka oku na omwenyo aluhe note ya galikanene koshipala shaKalunga." (Aaheb. 7:25).

EGULU

Egulu olyo ehala moka Kalunga a kala muuwanawa we auhe. Omuwa Jesus ota ti: "Megumbo lyaTate omu na omahala gokukala ogendji. Andola kasha li ngeyi; andola otandi mu lombwele kutya otandi ke mu longekidhila ehala. Nongele nda yi e tandi mu longekidhile ehala, otandi ka galuka ishewe, ndi mu ile, opo mu ka kale wo nkoka ngame ndi li." (Joh. 14:2,3). Olyo ehala ekumithi. "Kalunga nota ka theta omahodhi agehe momoho gawo. Oko noitaku ka kala we eso, oluhodhi, elilo nenge uuwehame. Oshoka iikulu oya hulu po." ..."Noitaku ka kala we uusiku... oshoka Omuwa Kalunga ota ka kala uuyelele wawo." (Ehol. 21:4; 22:5). "Ihe shaashoka sha nyatekwa kuulunde, itashi yi mo nando, nakehe ngoka ta longo iilonga tayi sitha ohoni, ita yi mo, nenge ha popi iifundja. Otamu yi owala mboka ye na omadhina ga nyolelwa membo lyaanamwenyo." (Ehol. 21:27).

Ihe oku na owala **ondjila yimwe** yu uka kegulu. Omuwa Jesus Kristus ota ti: "**Ongame ondjila**, noshili nomwenyo; **kape na ngoka ta vulu okuya kutate okuninga ta pitile mungame.**" (Joh. 14:6). "**Oshoka muuyuni auhe kamu na nando ogumwe gwedhina kalunga** e li hololela aantu, tatu vulu okuhupithilwa muye." (Iilonga 4:12).

TSE OTATU VULU NGIINI TU KALE MONDJILA YOKEGULU?

1. **"Itedhululeni, mu itaale elaka etoye."** (Mark. 1:15).
2. **Inda komuwa Jesus Kristus megalikano**, u li ngaashi u li noondjo dhoye, e to mu pula oku ku pa edhiminopo omagano. Ye ota ti: "Ongame noitandi tidha po nando ogumwe ngoka te ya kungame." (Joh. 6:37). "Ileni kuNgame amuhe mwa vulwa nomwa humbatekwa uudhigu, ongame notandi mu pe evululuko." (Mat. 11:28).
3. **Itaala Kalunga awike molwehupitho lyye.** "Ombinzi yOmwana Jesus otayi tu yogo oondjo dhetu adhihe." (1 Joh. 1:7).
4. **Ye ote ke ku pa omwenyo omupe omagano... omwenyo gwaaluhe.** Kristus okwa tile: "Oongoka tu uvu oohapu dhandje noti itaale ngoka a tuma ndje, oye oku na omwenyo gwaaluhe. Oye ita pangulwa we, ihe okwa za mo nale meso nokwe ya momwenyo." (Joh. 5:24). "Ngele ope na ngoka e li muukumwe naKristus, oye omushitwa omupe: iikulu ya hulu po, iipe ya holoka." (2 Aakor. 5:17).

5. Ngoye oto ka kala nombili nonetimaumbwilo. “Ano ngashingeyi sho twa ningwa aayuuki koshipala shaKalunga molweitaalo, otu na ombili naKalunga omolwOmuwa gwetu Jesus Kristus.” (Aaroma 5:1). “Ano ehokololo olyo ndika: Kalunga okwe tu pe omwenyo gwaaluhe, nomwenyo nguka otugu na mOmwana. Shaangoka e na Omwana oye oku na omwenyo nguka; ihe shaangoka kee na Omuna gwaKalunga, oye kee na omwenyo. Ontumwafo ndjika otandi yi mu nyolele, opu mu kale mu shi shi kutya one omu na omwenyo gwaaluhe, ne mboka mwi itaala edhina lyOmuna gwaKalunga.” (1 Joh. 5:11-13).

NKENE TAKU KONAKONWA OKUKALAMWENYO OKUPE

1. **Lेशa ombimbell** esiku kehe. Kakele kutya oyo uuyeleele mondjila yetu, oyo wo iipalutha yomwenyo gwetu. “Ihe kaleni onguuhanona mwa sa enota aluhe lyomahinihini gopambepo. Ngele tamu ga nu, otamu koko e tamu hupithwa. (1 Petr. 2:2). Puleni Kalunga oku mu wilika noku mu longa ngele tamu lesha, kOmbepo Ondjapuki.

2. **Ila popepi naKalunga megalikano esiku kehe**, galikana medhina lyaJesus. “Inamu kala mu na nando oshimpwiyu sha sha, ihe ompumbwe dheni dhi tseyithileni Kalunga momagalikano geni agehe. Ihe indileni aluhe nomwenyo gu udha ehambelero. Nombili yaKalunga, ndjoka yi vule uunongo auhe wopantu, otayi gamene oomwenyo dheni nomadhiladhilo geni muKristus Jesus.” (Filip. 4:6,7).

3. **Popya nayalwe kombinga yaKristus**. “Inda kegumbo lyaandjeni, u ke ya hokololele shoka Omuwa e shi ku ningile, sho e ku sile ohenda.” (Mark. 5:19).

4. **Ithana Kalunga momamakelo**. “Onkee ano ye mwene sho a makelwa nokwa hepekwa, ota vulu okukwatha mboka taa makelwa.” (Aaheb. 2:18).

5. **Kambadhala okweendathana nayalwe mboka yi itaala momuwa Jesus Kristus**. “Oshipango shandje osho shika: Holathaneni, ngashika naanaa ngame ndi mu hole.” (Joh. 15:12).

6. **Ngele owa etha oondjo, dhi hempulula nduno nziya kuKalunga**. “Ihe ngele tatu hempululile Kalunga oondjo dhetu, nena otatu vulu oku mu inekela, oshoka oye ota longo shoka shu uka. Oye ote tu dhimine po oondjo dhetu e te tu yogo omayono getu agehe.” (1 Joh. 1:9).

7. **Vulika aluhe kuKalunga**. “Oongoka e hole ndje, ota vulika koohapu dhandje.” (Joh. 14:23).

8. **Ino tila, oshoka Kalunga oku li nangoye**. “Ye okwa ti: Itandi ku etha nando; itandi ku thigi po.” (Aaheb. 13:5).

9. **Igandja ngoye mwene naashine komuwa Jesus Kristus**. Mu pitikila a kwatele komeho omwenyo gwoye pahalo lye. Komukalo nguka oto ka mona elago lyashili.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)